



Broj: 338-1/2014
Datum: 25.04.2014.

**AGENCIJA ZA RAZVOJ VISOKOG OBRAZOVANJA I OSIGURANJE
KVALITETA BIH
DIREKTORU DR. HUSEINU NANIĆU**

BANJA LUKA

Bulevar Vojvode Stepe Stepanovića br. 11

PREDMET: Zahtjev za vraćanje Evropskog univerziteta na info – listu licenciranih visokoškolskih ustanova u BiH

Sa info – liste licenciranih visokoškolskih ustanova u BiH Agencija je skinula Evropski univerzitet Brčko distrikt. U telefonskom razgovoru sa službenicima Agencije saznali smo da je skidanje sa liste uslijedilo nakon što ste dobili obavještenje od šefa Odjeljenja za obrazovanje Brčko distrikta. Ovakvim postupanjem šefa Odjeljenja i Agencije našem Univerzitetu nanosena je velika šteta.

Kao što Vam je poznato šef Odjeljenja za obrazovanje Momčilo Poljić protiv nas vodi privatni rat. On ne bira sredstva da naškodi ovom Univerzitetu. U tom smislu iznosi razne neistine i zloupotrebljava službeni položaj. Nije tačno da ovaj Univerzitet nema licencu. Mi smo dozvolu za rad dobili rješenjem broj predmeta UP-1-37000204/11, broj akta 0285RG-001/11 od 28.12.2011. godine. Pošto smo bili novoosnovana institucija, to se ta dozvola smatra ex – ante akreditacijom iz člana 47 Pravilnika o akreditaciji visokoškolskih ustanova. Pošto je ova akreditacija bezuslovna, to je ona, u smislu člana 48 stav 1, izdata na rok od tri godine, što znači da važi do 28.12.2014. godine. Kao što se vidi, gospodin Poljić je zlonamjerno, tendenciozno i netačno obavijestio Agenciju da je Evropskom univerzitetu istekla licenca, a sve u namjeri da nam nanese što veću štetu.

U smislu člana 48 stav 2 Pravilnika, bili smo dužni da u roku od šest mjeseci prije isteka roka naše akreditacije podnesemo zahtjev za akreditaciju. Mi smo ovaj zahtjev podnijeli 27.12.2013. godine, što znači da smo to učinili i prije roka. U smislu člana 21 stav 1 Pravilnika zahtjev za akreditaciju smo istovremeno podnijeli i Odjeljenju i Agenciji.

U smislu člana 17 Pravilnika akreditacija se obavlja u roku od najviše šest mjeseci od dana podnošenja zahtjeva. Učesnici u postupku akreditacije, uključujući i Agenciju, su dužni da usklade sve aktivnosti kako bi se ispoštovao ovaj rok. Međutim, niti Odjeljenje, niti Agencija, nisu preduzeli ništa da bi se akreditacija valjano sprovela. Pismeno smo se obračali i Odjeljenju i Agenciji aktom broj 223-1/2014 od 18.03.2014. godine sa urgencijom da se riješi naš zahtjev za akreditaciju. Agencija nam je odgovorila da treba Odjeljenje za obrazovanje da joj uputi prijedlog za imenovanje Komisije stručnjaka za eksternu evaluaciju.

U smislu člana 25 stav 1 Pravilnika Odjeljenja za obrazovanje je bilo dužno da u roku od sedam dana od dana prijema zahtjeva za akreditaciju dostavi Agenciji prijedlog Komisije stručnjaka. Međutim, Odjeljenje ovu svoju obavezu nije izvršilo. U smislu stava 3 istog člana direktor Agencije je dužan da imenuje Komisiju stručnjaka u roku od sedam dana od dana prijema prijedloga Odjeljenja. Kako šef Odjeljenja nije želio da da prijedlog za sastav Komisije, to ni direktor Agencije nije donio rješenje o imenovanju Komisije. Zbog ovog nečinjenja šefa Odjeljenja za obrazovanje, smatramo da i direktor Agencije snosi dio odgovornosti. Naime, direktoru je poznato da su između ovog Univerziteta i šefa Odjeljenja bitno poremećeni odnosi i da šef Odjeljenja zloupotrebljava službeni položaj kako bi nanio štetu Univerzitetu, te se u takvoj situaciji nije mogao pasivno ponašati, pa je kao funkcioner, koji rukovodi važnom institucijom, bio dužan da zatraži od šefa Odjeljenja da izvrši svoju obavezu i predloži članove Komisije stručnjaka. Ne može direktor Agencije da sjedi skrštenih ruku i da mirno posmatra kako šef Odjeljenja zloupotrebljava službeni položaj i ne dozvoljava proces akreditacije jednom legalnom Univerzitetu, a da onda izvršava naloge tog istog šefa Odjeljenja i da skida naš Univerzitet sa info - liste. Na ovaj način Agencija je pomagač gospođinu Poljiću u njegovim namjerama da nanese što veću štetu Evropskom univerzitetu. Direktor Agencije nije našao za shodno ni da izvrši obavezu iz člana 21 stav 3 Pravilnika, pa da Evropskom univerzitetu da uputstvo za elektronski unos dokumenata i podataka u document management system Agencije.

Koliko je nama poznato veoma mali broj visokoškolskih ustanova u BiH je izvršilo reakreditaciju, što znači da se bave djelatnošću bez uredne licence. Svi ovi univerziteti se nalaze na info - listi. Prema tome, naš Univerzitet koji ima dozvolu za rad ste skinuli sa liste, a mnoge visokoškolske ustanove, kojima je licenca istekla, držite na listi. Na ovaj način Agencija pokazuje dvostruke aršine i vrši diskriminaciju Evropskog univerziteta.

Agencija, kao jedna od najvažnijih institucija u oblasti visokog obrazovanja u BiH, je dužna da nastoji da se sprovede osnovno načelo iz člana 4 stav 2 alineja 5 Okvirnog zakona, po kome se visoko obrazovanje zasniva na poštovanju ljudskih prava i građanskih sloboda, uključujući zabranu svih oblika diskriminacije. U ovom slučaju šef Odjeljenja za obrazovanje, uz pomoć te Agencije, vrši diskriminaciju Evropskog univerziteta. Pored toga, Agencija je dužna da nastoji da se u praksi realizuje i član 6 Pravilnika, po kome sve visokoškolske ustanove u Bosni i Hercegovini imaju pravo da traže i dobiju akreditaciju u skladu sa Okvirnim zakonom o visokom obrazovanju u Bosni i Hercegovini i navedenim Pravilnikom.

Kao što se vidi, Evropski univerzitet ima urednu licencu. Univerzitet je u roku podnio zahtjev za akreditaciju, a gospođin Poljić zloupotrebljavajući službeni položaj, ne želi da pokrene postupak akreditacije. Licenca Evropskom univerzitetu traje sve dok ne dobije rješenje po podnesenom zahtjevu za akreditaciju. Rok za rješavanje po našem zahtjevu za akreditaciju još teče.

Imajući sve ovo u vidu, tražimo da nas Agencija bez odlaganja vrati na info - listu, kao i da preduzmete mjere da otpočne postupak naše akreditacije.

Kako je gospođin Momčilo Poljić u ovom slučaju zloupotrijebio službeni položaj, to smo protiv njega podnijeli krivičnu prijavu nadležnom tužilaštvu. Ukoliko se naš problem ne riješi tako što će Evropski univerzitet bez odlaganja biti vraćen na info - listu licenciranih visokoškolskih ustanova, bićemo prinudeni da i protiv odgovornog lica u Agenciji podnesemo krivičnu prijavu, kao i da podnesemo tužbu protiv države Bosne i Hercegovine za naknadu štete, koja nam je nanesena nesavjesnim radom Agencije.

S poštovanjem,



REKTOR
Prof. dr. Zoran Milošević